

ერთის მხრივ შპს „საქართველოს გაერთიანებული წყალმომარაგების კომპანია“ (შემდგომში „შემსყიდველი“) წარმოდგენილი მისი დირექტორის გიორგი კობერიძის სახით და მეორეს მხრივ შ.პ.ს „რამი“ (შემდგომში „მიმწოდებელი“) წარმოდგენილი მისი დირექტორის რამაზ სოხაძის სახით, საქართველოს მთავრობის 2016 წლის 26 თებერვლის N103 დადგენილებით დამტკიცებული შპს „საქართველოს გაერთიანებული წყალმომარაგების კომპანიის“ სახსრებით საქონლისა და მომსახურების შესყიდვების სპეციალური წესისა და მიმწოდებლის წინადადების საფუძველზე **GEO170000217** შესყიდვის ელექტრონული პროცედურის ჩატარების შედეგად შ.პ.ს „საქართველოს გაერთიანებული წყალმომარაგების კომპანიის“ 2017 წლის საკუთარი სახსრებით დაფინანსების ფარგლებში ვდებთ შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია რომელიც ახორციელებს შესყიდვას.
- 1.5. „მიმწოდებელი“ – პირი რომელიც ახორციელებს საქონლის მიწოდებას ხელშეკრულების ფარგლებში.
- 1.6. „საქონელი“ ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დავალება“ – **GEO170000217** შესყიდვის ელექტრონული პროცედურის დოკუმენტაციის ტექნიკური დავალება, რომელიც წარმოადგენს ხელშეკრულების განუყოფელ ნაწილს.
- 1.8 წინადადება- **GEO170000217** შესყიდვის ელექტრონული პროცედურაში მიმწოდებლის მიერ წარდგენილი წინადადება.

2. ხელშეკრულების საგანი

ხელშეკრულების საგანს წარმოადგენს შ.პ.ს „საქართველოს გაერთიანებული წყალმომარაგების კომპანიის“ საჭიროებისათვის ტუმბოს ნაწილების შესყიდვა (შემდგომში საქონელი) (ს-13; CPV-42124000) შესყიდვა დანართი 1-ის შესაბამისად.

3. ხელშეკრულების ღირებულება

- 3.1 ხელშეკრულების ჯამური ღირებულება შეადგენს 4750 ლარს დღგ-ს გათვალისწინებით; ერთეულის ფასები მოცემულია დანართ 1-ში;
- 3.2. ხელშეკრულების ჯამური ღირებულება მოიცავს საქონლის მიწოდებასთან დაკავშირებულ ყველა ხარჯს და კანონმდებლობით გათვალისწინებულ ყველა სახის გადასახადს და მოსაკრებელს, ხარჯები რომლებიც წინადადების ფასში არ არის გათვალისწინებული არ ექვემდებარება ანაზღაურებას.

4. ანგარიშსწორების ფორმა და ვადები

- 4.1. მიმწოდებელთან ანგარიშსწორება განხორციელდება უნაღდო ანგარიშსწორების წესით ეროვნულ ვალუტაში, ანგარიშსწორებისათვის შემსყიდველსა და მიმწოდებელს შორის უნდა გაფორმდეს მიღება-ჩაბარების აქტი.
- 4.2 ანგარიშსწორება მიმწოდებელთან განხორციელდება საქონლის მოწოდების, მხარეთა მიერ მიღება-ჩაბარების აქტის ხელმოწერის და შესაბამისი ფინანსური დოკუმენტაციის (სასაქონლო ზედნადების; ანგარიშგაქტურის) მიმწოდებლის მიერ წარმოდგენიდან და ინსპექტირების აქტის შედგენიდან 10 (ათი) სამუშაო დღის განმავლობაში;
- 4.3 წინასწარი გადახდის მექანიზმი არ გამოიყენება.
- 4.4 ანგარიშსწორებისათვის საჭირო დოკუმენტაცია (გარდა ელექტრონული დოკუმენტაციისა) მიმწოდებელმა შემსყიდველს უნდა წარუდგინოს შემსყიდველის სათაო ოფისის მისამართზე, ქ. თბილისი ვაჟა ფშაველას გამზირი 76 ბ;

5. მიღება-ჩაბარების წესი

5.1. საქონელი ჩაითვლება მიწოდებულად მხოლოდ კანონმდებლობით დადგენილი წესით განსაზღვრული მიღება-ჩაბარების აქტისა და ინსპექტირების აქტის გაფორმების შემდეგ.

5.2. მიღება-ჩაბარების აქტს შემსყიდველის მხრიდან ხელს მოაწერს შპს „საქართველოს გაერთიანებული წყალმომარაგების კომპანიის“ ცენტრალური საწყობის უფლებამოსილი წარმომადგენელი.

შენიშვნა: მიღება-ჩაბარების აქტით დადასტურდება საქონლის ფაქტიური მიწოდება, ხოლო საქონლის ხელშეკრულების პირობებთან შესაბამისობის დადასტურება მოხდება ინსპექტირების აქტით (დადებითი დასკვნით).

6. საქონლის მიწოდების ადგილი და ვადა

6.1 საქონლის მიწოდება უნდა განხორციელდეს ხელშეკრულების გაფორმების დღიდან 30 კალენდარული დღის განმავლობაში (შესაძლებელია მიწოდება განხორციელდეს ეტაპობრივად).

6.2 საქონლის მიწოდება უნდა განხორციელდეს მისამართზე ქ. გორი, ცხინვალის გზატკეცილი მე-3 კილომეტრი შპს „საქართველოს გაერთიანებული წყალმომარაგების კომპანიის“ ცენტრალური საწყობი.

7. მხარეთა უფლება-მოვალეობები

7.1. შემსყიდველი უფლებამოსილია:

ა) საქონლის მიწოდების დროს განახორციელოს საქონლის ხარისხისა და სხვა პირობების ტექნიკურ დავალებასთან და წინამდებარე ხელშეკრულების პირობებთან შესაბამისობის ინსპექტირება;

ბ) მოთხოვოს მიმწოდებელს წინამდებარე ხელშეკრულების პირობების შესრულება

7.2. შემსყიდველი ვალდებულია უზრუნველყოს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

7.3. მიმწოდებელი უფლებამოსილია მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებულ ვადებში.

7.4. მიმწოდებელი ვალდებულია:

ა) უზრუნველყოს ხელშეკრულებით გათვალისწინებული საქონლის მიწოდება.

ბ) დაიცვას წინამდებარე ხელშეკრულების პირობები.

გ) აუნაზღაუროს შემსყიდველს მისი ბრალეულობით გამოწვეული ნებისმიერი სახის მატერიალური და არამატერიალური ზარალი.

8. ხელშეკრულების შესრულების კონტროლი

8.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს ხელშეკრულების კონტროლი (ინსპექტირება), რომლის მიზანია მიწოდებული საქონლის ხარისხის, ვადების და სხვა კრიტერიუმების შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2. ხელშეკრულების 8.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს ტექნოლოგიური დანადგარებისა და მოწყობილობების ქსპლუატაციის სამსახურის მთავარი სპეციალისტი ტერენტი წურჭუმაი.

9. პირგასამტეხლო ხელშეკრულების პირობების შეუსრულებლობისათვის

9.1. ხელშეკრულებით ნაკისრი ვალდებულების შესრულების ვადის გადაცილების შემთხვევაში, მხარეებს დაეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.

9.2 ხელშეკრულებით ნაკისრი ვალდებულებების შეუსრულებლობის შემთხვევაში მიმწოდებელი ჯარიმდება ხელშეკრულების ჯამური ღირებულების 3% ოდენობით.

9.3. იმ შემთხვევაში, თუ დაკისრებული პირგასამტეხლოს ჯამური თანხა გადაჭარბებს ხელშეკრულების ჯამური ღირებულების 5 (ხუთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება

9.4. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

9.5 ამ მუხლით გათვალისწინებული საჯარიმო და პირგასამტეხლოს თანხები დაუკავდება მიმწოდებელს მიწოდებული საქონლის ღირებულებიდან, იმ შემთხვევაში თუ საქონელი არაა მიწოდებული მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესაბამისი თანხა შემსყიდველის სასარგებლოდ, ხოლო იმ შემთხვევაში თუ მიწოდებული საქონლის ღირებულება ნაკლებია საჯარიმო თანხაზე მიმწოდებელი ვალდებულია შემსყიდველის მოთხოვნიდან 5 სამუშაო დღეში გადაიხადოს შესმსყიდველის სასარგებლოდ საჯარიმო თანხებსა და მიწოდებული საქონლის ღირებულებას შორის არსებული სხვაობა შემსყიდველის სასარგებლოდ.

10. ხელშეკრულებაში ცვლილებების შეტანა და ხელშეკრულების შეწყვეტა

10.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის.

10.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

10.4 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. დავები და მათი გადაწყვეტის წესი

ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

12. ფორს-მაჟორი

12.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

12.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათგან დამოუკიდებელ გარემოებებს, რომლებიც არ არის დაკავშირებული შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით და სხვა.

12.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ, წინააღმდეგ შემთხვევაში გარემოება არ ჩაითვლება ფორს მაჟორულად.

13. ხელშეკრულების პირობების და ღირებულების გადასინჯვა

13.1. სახელმწიფო შესყიდვის შესახებ დადებული ხელშეკრულების პირობების შეცვლა არ დაიშვება, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

13.2. ხელშეკრულების პირობების ნებისმიერი ცვლილება უნდა გაფორმდეს "შეთანხმების" სახით, რომელიც ჩაითვლება ხელშეკრულების განუყოფელ ნაწილად.

14. ხელშეკრულების ენა

14.1. ხელშეკრულება და მასთან დაკავშირებული ყველა შეთანხმება და სხვა დოკუმენტაცია, რომლებიც შედგება მხარეთა შორის, ფორმდება ქართულ ენაზე.

15. სხვა პირობები

15.1. ხელშეკრულება შედგენილია 2 ეგზემპლარად და თითოეულ მათგანს თანაბარი იურიდიული ძალა აქვს.

15.2. ხელშეკრულების ერთი ეგზემპლარი ინახება „მიმწოდებელთან“, ერთ ეგზემპლარი „შემსყიდველთან“

16. შესყიდვის ობიექტის სტანდარტები

ხელშეკრულების ფარგლებში მიწოდებული საქონელი უნდა შეესაბამებოდეს წინადადებითა და დოკუმენტაციით დადგენილ მოთხოვნებს.

17. ხელშეკრულების მოქმედების ვადა

ხელშეკრულება ძალაში შედის მხარეთა მიერ ხელმოწერის დღიდან და მოქმედებს 2017 წლის 30 ივნისამდე.

მხარეთა რეკვიზიტები:

„შემსყიდველი“

შპს „საქართველოს გაერთიანებული

წყალმომარაგების კომპანია“

მის: ქ. თბილისი, ვაჟა ფშაველას ქ. N76ბ

ტელეფონი: 995 32 2919060

სს „ლიბერთი ბანკი“

ცენტრალური ფილიალი


კოდი: 220101480, LBRTGE22

ა/ა N GE77LB0113123325230012

ს/კ 412670097

დირექტორი

გიორგი კობერიძე



„მიმწოდებელი“

შპს „რამი“

მისამართი: ქ. ქუთაისი, ახალგაზრდობის გამზირი N19

ტელეფ: 599 51 60 44

ელ/ფ: sokhadzeramazi@yahoo.com

ს/კ: 212853606

საბანკო რეკვიზიტები: სს „თიბისი ბანკი“

კოდი: TBCBGE22

ა/ა GE84TB0300000042467551

დირექტორი

რამაზ სოხაძე



N	დასახელება	ტექნიკური მაჩვენებელი	რაოდენობა ცალი	ერთეულის ფასი ლარი	სულ ფასი ლარი	მწარმოებელი ქვეყანა/კომპანია
1	ტუმბო-აგრეგატის გადასაბმელი ქუროს თითის მადემფირებელი რეზინის რგოლი	ზომა 55-30-10 მმ მასალა ტექნიკური რეზინი	200	5	1000	საქართველო, შპს „რამი“
2		ზომა 57-30-15 მმ მასალა ტექნიკური რეზინი	200	6	1200	
3		ზომა 68-28-19 მმ მასალა ტექნიკური რეზინი	50	6	300	
4		ზომა 34-17-10მმ მასალა ტექნიკური რეზინი	150	4	600	
5		ზომა 42-24-12მმ მასალა ტექნიკური რეზინი	200	5	1000	
6	ტუმბო-აგრეგატის გადასაბმელი ქუროს თითის მადემფირებელი რეზინის დისკი	ზომა 127-62-23მმ მასალა ტექნიკური რეზინი	8	50	400	
7	ტუმბო-აგრეგატის გადასაბმელი ქუროს თითის მადემფირებელი რეზინის დისკი	ზომა 170-75-30მმ მასალა ტექნიკური რეზინი	2	125	250	
სულ ჯამი დღგ-ს გათვალისწინებით					4750 ლ	

შპს „საქართველოს გაერთიანებული
წყალმომარაგების კომპანია“

დირექტორი

გორგი კობერიძე



შპს „რამი“

დირექტორი

რამაზ სოხაძე

